



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

Sanctissimis PP. Wilfrido, Egberro, Willibrordo, Swiberto, Bonifacio,
Adelberto ...

urn:nbn:de:hbz:466:1-10958

Sanctissimis PP. Wilfrido, Egberto, Wil-
librordo, Swiberto, Bonifacio, Adel-
berto cæterisque eorum in Frisica mes-
quondam cooperantibus, nunc in
cælesti curiâ cum Christo sempiter-
nùm regnantibus.



Daram vestram (Beatissimi
mi Patres, Ciues Sanctif-
simi & Domestici Dei) ve-
nio sanctitati vestræ de-
positurus exile munuscu-
lum. Ita solent Diuis Au-
gustis salutem dicturi, ita Augustis Per-
sarum Regibus se exhibituri, Ita magnis
Diuis vota nuncupaturi Charistion ali-
quod repræsentare. Exile munusculum est
quod offerimus: exile, inquam, si ad ve-
stras dignitates aspiciamus: placiturũ tamẽ
spero, tum ex vestra benignitate, qua sole-
tis

tis mortales amplecti; tum ex materia in qua vestra acta, vestra heroica gesta celebrantur, per quæ acta nunc dulciter quieti triumphatis amicti stolis albis & palmæ victoriarum in manibus vestris.

Vos estis de quibus Isaias Euangelicus Propheta admirabundus proclamat: *Qui sunt hi qui ut nubes volant & quasi Columba ad fenestras suas*; Inter hos vos fuistis prædicatores & Apostoli nostri. Nubes è terreno limo à sole & Cælesti virtute in altum extolluntur; ita & vos è cœno mundo gurgite ad cælestem vitam estis in sublime eleuati, mundo, & quæ in eo sūt, relictis, Eremis & claustris in Anglia & Hibernia vos inclusistis vt conculatâ terrâ conuersatio vestra esset in Cælis. Nubes roridae sunt & emittunt terræ pluuiam eâque terram irrigant & foecundam efficiunt: ita vos superno S. Spiritus imbore refacti

refacti, eius adipe & pinguedine repleti
pluuiam animabus gentilium, quæ erant
coram Deo terra sine aqua, impluistis eâ-
que animas bonorum operum fertiles ef-
fecistis. Datum fuit vobis quod optabat
Moyses cum esset populo duræ cervicis
prædicaturus : *concreseat in pluuiam do-
ctrina mea, fluat ut ros eloquium meum.*
Concreuit in pluuiam doctrina vestra; non
fuit similis nubibus quæ præ leuitate à
ventis per inanes auras disperguntur, ita vt
nullum hinc fructum arida terra accipiat,
sed vt instar pluviæ ex concretione tenuis
nubis coalescentis, ac tum suo pondere in
terram descendens etiam ipsa quasi con-
creseat, vt scilicet suo pondere in audientium
decidat corda; atque vt ros suaviter dif-
fluit è cælo in terram eamque humectan-
do fecundat, ita & sermo vester dulciter
ex ore vestro in audientium dilapsus est pe-

ctora

Et ora atque in ijs multos protulit fructus.
Nubes à sole calorem hauriunt, ita & vos à
Deo Sole iustitiæ calorem recepistis, spiri-
tualem ignem quem Christus venit mitte-
re in terram, quo imbuti confidenter & in-
trepide nihil minis, nihil à periculis terri-
ti, feris & indomitis barbaris vexillum S.
Crucis intulistis, ad poenitentiam, Crucem
Christi ferendam induxistis. Recte Gre-
gorius ille magnus vester Archiapostolus
ait:

*Prædicatores sancti nubes appellati sunt:
quia verbis pluunt, miraculis coruscant.
Qui volare quoque ut nubes dicuntur: quia
in terra viuentes, extra terram fuit omne
quod egerunt. Unde & per quandam nubem
dicitur: in carne enim ambulantes, non se-
cundum carnem militamus. Priores enim
patres coniugijs utebantur, filios procrea-
bant, substantias possidebant, curis rei fa-
miliaris intendebant; istos autem prophetia*

iam spiritu praesidens substantias deservere,
nihil in terra quarere, nihil possidere, non
eos vel homines per terram ambulantes, sed
nubes volantes nominat. Volant enim qui
terram quasi non tangunt, quia in ipsa nil
appetunt. Qui & ad femestras suas quasi Co-
lumba sunt, quia pro mansuetudinis sua spi-
ritu in hoc mundo per oculos nil concupis-
cunt.

Impleuistis & ad mensuram plenam Impleuistis illud
quod Trismegistus ille Apostolus Paulus Timotheo filio
suo & in illo Praesulibus praesertim Ecclesiae: *labora ut
bonus miles Christi*. Laborastis ut strenui Christi milites;
primò, ut fidissimi & optimi Christi Corpora vestra rati-
oni subdendo, Ieiunijs, vigilijs, disciplinis castigando
& in seruitutem redigendo, concupiscentias omnes re-
frainando, totum veterem hominem supplantando, auscul-
tantes ad illud eiusdem Pauli: *obsecro vos ut exhibea-
tis Corpora vestra hostiam viventem, Sanctam, Deo
placentem, rationabile obsequium vestrum*. Secundò, la-
borastis in reformandis & dirigendis animarum vestra-
rum interioribus, ita ut acies vestra nusquam diuergat nisi
pure in solum Deum dicentes cum Dauide: *Quid mihi est
in caelo & à te quid volui super terram?* Denique omnium
virtutum

virtutum panopliâ tamquam fortissimi athletæ instructi, induci virtute ex alto pugnaſtis, vicistiſ, contra teterrima infernaliam monſtra quæ plurimis ſæculis in Friſia tyrannicum Dominium exercebant, id eſt cæcorum gentilium idola, ea deſtruendo, eorum lucos, aras, fana profana euertendo: inueteratas tanti temporis ſuperſtitiones dæmoniacas è ſtultorum gentilium cordibus extirpando, mille & mille animas è faucibus Orci eripiendo, mille & mille aberrantes oues in ouile Chriſti reducendo. In de vobis hymni victorialis. Legimus in Aureliano cum tribunus legionis ſextæ Gallicanæ Franc. irruentes, qui vagabantur per totam Galliam, ſic afflixiſſet, vt trecentos ex his captos, ſeptingentis interemptis, ſub corona venderit, inde de eo, ad ſummam ipſius laudem, factam eſſe Cantilenam: *mille Francos, mille Sarmatas ſemel occidimus, mille, mille, mille, mille Perſas querimus.* Quam glorioſiores veſtræ pugnæ, veſtræ victoriæ! Quam cariores, cariores! Quam iuſtius illud Epinicium cælitibus omnibus iucundum occinatur: *Mille ſubditos, mille animas ad vitam reuocauimus: mille, mille, mille, mille, mille, mille errantes oues querimus.* Hæc heroica veſtra facta, hæc bella bellata etiamnum celebrat Friſia: inſtituta veſtra venerantur fideles Friſij, gloria veſtra, corona veſtra. nos exigui aliqua oſtendimus, & oſtendimus tantum, ac quantum poſſumus illuſtrare conamur. Nam ijs pro debito celebrandis nec denæ Iliades ſufficerent.

*Maiores maiora, sonent mihi parua locuto
Sufficit, vt vester inde resulet honos.*

Hæc qualiacunque quantulacumque vobis dicamus, offerimus. Benigno vultu, sereno vestro suscipite. Contra æmulorum venenata spicula, contra liuidos inuidorum & Zoilorum morsus defendite. multa in terra peregrinationis vestræ apud Deum Sabaoth valuistis, longe plura iam in termino positi eique coniunctissimi, cum quo modo regnatis & sine fine regnabitis.

Humillimus vester Client

J. WILLIBRORDVS BOSSCHAERTS.

FACULTAS